

Naalakkersuisut siulittaasuat

Landsstyreformanden

Inatsisartunut ilaasortaq Lene Knüppel
c/o Inatsisartut allattoqarfia
maani

17. april 2008
Sags nr.
2008-007996
Dok. nr. 52712
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Inuussutissarsiornermut Suliffeqarnermullu Naalakkersuisup nuttarsinnaaneq pillugu nalunaarummut tunngatillugu oqaaseqaatai pillugu Naalakkersuisunut apeqqu.

Matumuuna Inatsisartut suleriaasianni § 36 imm. 1 naapertorlugu apeqquaqaatit 4. april 2008 tigusimasarput akissuteqarfigissavara.

Apeqqu 1:

Inuussutissarsiornermut Suliffeqarnermullu Naalakkersuisup eqqunngitsunik paasissutissiineranut suna pissutaava taamaalilluni taanna Naalakkersuisunut ilaasortat akisussaanerat pillugu Inatsisartut inatsisaat nr. 6 13. maj 1993-imeersoq nuttarsinnaanermut aningaasaateqarfimmut tunngasumik uannut akissuteqarnermini unioqqutillugu?

Akissut:

Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik imaattumik paasissutissiivoq, aamma Naalakkersuisunut ilaasortamit Siverth K. Heilmann-imit akuerineqartumik:

"Naalakkersuisut ulloq 28. februar 2008 nuttarsinnaanermut tapiissuteqartarnek pillugu nalunaarut akuersissutigivaat, 1. marts 2008 atortuulertussanngorlugu.

Ajuusaarnaraluartumilli Suliffeqarnermut Inuussutissarsiutinullu ilinniartitaanermut Naalakkersuisoqarfimmi atorfillit akornani suleriaatsimi kukkussuteqartoqarpoq, nalunaarusiap avammat nalunaarutigineqarnissaa eqqarsaatigalugu, tamatumalu kingunerisaanik nalunaarut naammassisaq aatsaat 10. marts 2008 atsiorneqarluni. Tamatumalu kingunerisaanik atortuulersitsinissaq 15. marts 2008-mut allanngortitarsimavoq Siuliani saqqummiunneqartutut Suliffeqarnermut Inuussutissarsiutinullu ilinniartitaanermut Naalakkersuisoq eqqunngitsumik paasissutissiiniarsimangilaq."

Apeqqu 2:

Naalakkersuisunut siulittaasup Naalakkersuisunut ilaasortamut pineqartumut Naalakkersuisunut ilaasortat akisussaanerat pillugu Inatsisartut inatsisaata nr. 6-ip 13. maj 1993-imeersup maleruarneqarnissaa erseqqissaatigissavaa?

Akissut:

Suliap ingerlasimanera pillugu nassuiaatigineqareersut tunngavigalugit pissutissaqanngilaq Inatsisartut inatsisaat nr. 6, 13. maj 1993-imeersoq eqqortinneqartariaqartoq erseqqissaatigissallugu.

Apeqqu 3:

Naalakkersuisunut ilaasortat akisussaanerat pillugu Inatsisartut inatsisaat nr. 6 13. maj 1993-imeersoq Inuussutissarsiornermut Suliffeqarnermullu Naalakkersuisumut kinguneqartinneqassava?

Akissut:

Siuliani suliap ingerlasimanera pillugu nassuiaataareersut innersuussutigalugit pissutissaqanngilaq Naalakkersuisunut ilaasortamut kinguneqartitsissalluni.

Inussiarnersumik inuulluaqqusillunga
Hans Enoksen